

L'uniun teater de Badia presënta le toch da rí “**Cuartet d'archëc**” y ves inviëia a òna dles rapresentaziuns te ciasa Runcher: en domënia, ai 21 de aurí dales 17:00 - mercui, ai 24 dales 20:00 - sabeda, ai 27 dales 20:00 - domënia, ai 28 dales 17:00. Prenotaziuns al nr. 328/0984630 (dales 18:30 ales 22:00).

Le Museum Ladin Ciastel de Tor/Aziënda Museums Provinziai scri fora **1 post por le sorvisc da puzenë**, 16 ores al'edema dal 01.06. ai 15.11.2024: Termo por les domandes 10 de ma, recuisic: atestat dla scora elementara o avëi stlüt jö la scora d'oblianza. Informaziuns pro info@museumladin.it, tel. 0474 524020 y mené les domandes cun curriculum vitae a info@museumladin.it o les dé jö tl Museum Ladin, Str. Tor 65, 39030 San Martin de Tor.


Le Raiun Sozial Val Badia a Picolin resta stlüt ai 26 de aurí 2024.

Curs Sushi: ala fin de ma é l Sorvisc ai Jogn che mët a jí n curs por imparé a fá sushi, le vëndres, 31 de ma dales 16:00 tl Zënter Saj.un a La Ila cun le cogo Simone Cantafio. Scrí ite se pó i interessá dai 16 agn insö al nr. 371 5688564 o a samuel@jogn.org. L' iscriziun costa 15€ a porsona. Le curs fej pert dl “HEY!”, le nü proiet dl Sorvisc ai Jogn Val Badia che pita cursc y ativités por jogn y manco dai 16 agn insö.

I jun a pe cun le KVW de Badia: düc é inviá en mercui, ai 24 de aurí ala gita da *Kaltem ala Rastenbachklamm*. I piun ia dales 07:30 y prenotesse pro laco al nr. 339 6257779 o 338 2119002.

***Ein jeder Mensch macht Gott Freude,
wenn er sich vom GUTEN HIRTEN
suchen und finden lässt.***
(P.M. Hahn)

Impressum: Ploania Badia, redaziun Cristina Frena
Comunicaziun cina jöbia sëra a parrocchiabadia@libero.it o frencris49@gmail.com
Download plata: www.unitepastorala.org



Plata dla Ploania Badia


San Iaco - San Linert

Ploan: Siur Iaco Wendelin Willeit
Cell. 347 909 4532

Calonia Badia: 0471/839571

E-Mail: parrocchiabadia@libero.it
Radio dla Ploania: 91,10 Mhz

UNITÉ PASTORALA



VAL BADIA

www.unitepastorala.org

Ann „B“ 21.04. – 28.04.2024 4° Domënia de Pasca n. 21



...lö sun le bun
famëi, che dá
ca súa vita
por les bisces...

Vangele dla proscima domënia - 5° do Pasca „B“

Jan 15,01-08

Te chël tēmp á Gejú dit a sü discepui: lö sun le dër lēgn da üa, y mi pere é le vignadú. Vigni rama che ne porta nia früt te me, tael ia y vigni rama che porta früt, purifichëiel por ch'ara portes deplü. Os sëis bele purificá cun la parora ch'i ves á dit. Romagnede te me, spo romagni iö te os. Sciöche la rama da üa ne sciafia nia da porté früt da d'ëra instëssa, mo ma sc'ara romagn pro le lēgn, insciö ne sciafiëise gnanca os da porté früt, sc'i ne romagnëise nia te me. lö sun le lēgn da üa, os sëis les rames. Chël che romagn te me y te chël che iö romagni, chël porta tröp früt; ciodiche despartis da me, ne sciafiëise da fá nia. Chël che ne romagn nia te me, vëgn sciuré demez sciöche la rama da üa y sëcia. An cöi adöm les rames, les sciüra te fúch y ares verd jö. Sce os romagnëis te me y sce mies parores romagn te os, spo periede do döt ci ch'i orëis: i le ciifarëis. Mi Pere vëgn glorifiché te chël, ch'i portëis tröp früt y ch'i diventëis mi discepui.

FUNZIUNS SACRES

21.04. **4^a DOMËNIA de PASCA - Domënia dles Vocaziuns**

- 10.00 **Zelebrazium dla Parora de Dì**
14.00 *Prozesciun a Oies por perié do vocaziuns de dljia*
18.00 **Mëssa**
†ta Anna Senoner Rudiferia - aniversar
†to Carlo Alfreider – aniversar
†ta Maria Alfreider Burchia – aniversar
†to Elias Dal Bosco - aniversar
†to Sepl Daprè
†ta Maria Tavella Dapunt

24.04. **Mercui**

- 07.25 *Mëssa cun i scolars y les scolares*
†to Anselmo Di Carlo
†to Paul Valentini de Pic'Tita
†ti Milio y Angela Craffonara

25.04. **Jöbia – S. Merch Evangelist**

- 07.00** *Prozesciun de paisc y Santa Mëssa*
†to Rudl Valentini
†ta Emilia Feichter Pitscheider
por les animes dl purgatore

26.04. **Vëndres**

- 07.30 †ti Sabina y Tone Campeï
†ti de Cianacëi
por fam. Carlo y Iudita Bernardi

27.04. **Sabeda**

- 16.00 Mëssa a Oies

28.04. **5^a DOMËNIA de PASCA - Festa de S. Florian**

- 09.00 *Corona por la defunta Maria Pitscheider*
09.30 Mëssa dla Comunité cun i Stüdafüch / Benedisciun auti
†ta Maria Pitscheider da Reslada
†to Ilario Valentin
†to Tone Anvidalfarei (Pic'Tone)
†to Paolo Pitscheider di Puntac
†to Sandro Canins
18.00 **Mëssa**
†ti dla fam. Carolina Winkler Alfreider
vis y †ti dla fam. Moling
por fam. Laurënz y Hannele Irsara

Dala VITA dla CÛRA

De dles Vocaziuns - aziun concreta

En chësta domënia vëgnel tigní dales **14 h la prozesciun da Badia sö Oies** por düta la valada y al Santuar spo na picia **adoraziun**.
Sciöche bele publiché vëgnel ince dé inant da familia a familia na **ciandëra y n liber** che dëida baié y perié de "vocaziuns". La presidënta dl Consëi de Cûra Rita coordinëia l'aziun, magari scomencian cun le Consëi de Cûra. Al vëgn ciamó prejenté chësta bela iniziativa te dljia.

Siur Degan

Legio Mariae: chësc grup se abina en jöbia, ai 25 de aurí dales 14:00 te dljia por n'ora de oraziun. Düc é dër bel inviá.

L'Uniun Pastorala Val Badia inviëia a n **lade a Assisi** cun Christian Ferdigg dal 28 al 31 de otober por vijité i posé plü bi y simbolicis dla spiritualité francescana tla cité de san Francësch y Santa Chiara. Le cost por le iade plü 3 nöts tl Hotel Belvedere cun gosté y cëna é de 365,00€ a porsona te na ciamena dopla, na ciamena singola costa 440,00€. Les iscriziuns é davertes cina ai 26 de ma ala Holimites: tel. 0471 838022 - E-Mail: iadi@holimites.com

Ofertes trates ite tratan les mësses di 7 y 14 de aurí: i dijun giulan dla soma de 301,61 € por le Solidaritätsfond y dla soma de 223,37 € por l'université S. Cör de Milano.

Hermann-Treffen: Einladung zum Gesamttiroler Hermann-Treffen am Dienstag, 21. Mai mit dem Innsbrucker Diözesanbischof Hermann Glettler in Maria Waldrast (Matrei a.Br.) mit Hl. Messe und Mittagessen. Auch Familienmitglieder sind willkommen! Anmeldung erforderlich bis 04. Mai bei Hermann Wenter 0473 667046 - E-Mail: wenter.buschmann@gmail.com.

Mësses a Oies, da sëgn inant

Mertesc – Mercui – Jöbia dales 19:30
Vëndres – Sabeda – Domënia dales 16:00

*A pe de dljia unse metü na plata de informaziun y invit
cuntra la violënza.*